



Po nalogu tužioca iz Posebnog odjela za ratne zločine, policijski djelatnici SIPA, nakon detaljno isplanirane i pripremljene akcije, lišili su slobode šest osumnjičeni osoba zbog počinjenih ratnih zločina nad žrtvama bošnjačke i hrvatske nacionalnosti na području Kotor-Varoša, tokom 1992.

Slobode su lišeni:

Slobodan Župljanin zvani Bebac, rođen 17.11.1957. godine u mjestu Maslovare, Kotor Varoš,
Boško Peulić, rođen 14.01.1947. godine u mjestu Donji Vijčani, Prnjavor,
Aleksandar Petrović zvani Saša, rođen 28.12.1970. godine u Kotor Varoši,
Manojlo Tepić zvani Mane, rođen 16.05.1960. godine u mjestu Postolje, Kotor Varoš,
Janko Trivić, rođen 04.06.1949. godine u selu Jošavka, Čelinac,
Nedeljko Đekanović, rođen 15.11.1958. godine u mjestu Grabovica, Kotor Varoš.

Oni se terete da su u svojstvu visokih dužnosnika vojske (zapovjednici brigada i bataljona) počinili progon oko 5000 osoba bošnjačke i hrvatske nacionalnosti iz Kotor Varoša, u okviru kojeg je počinjeno ubistvo najmanje 300 osoba, te mučenja, zlostavljanja, silovanja, nezakonita zatočenja, pljačkanja i drugi oblici zločina.

Počinjeni zločini rezultirali su progonom gotovo cjelokupnog stanovništva bošnjačke i hrvatske nacionalnosti sa područja Kotor Varoša, koje se ni danas nije u većoj mjeri vratilo na prijeratna ognjišta i živi u raseljenju širom BiH i svijeta.

Uporedo sa lišenjima slobode, izvršeni su pretresi kuća, stanova, objekata, poslovnih prostora i vozila koja koriste osumnjičeni.

Navedene aktivnosti rezultat su višemjesečne i sveobuhvatne istrage, u kojoj su tužilac i stručno osoblje Tužilaštva BiH ispitali više stotina svjedoka, te proveli veći broj dana na terenu u intenzivnom prikupljanju dokaza.

(klix.ba)